

# Assessment Specifications

## General information

Performance Standard / Marau	Te Reo Rangatira
Level / Aromatawai	Scholarship / Whakamātautau Ā Waho
Mode of assessment /	Written Examination
Year / Tau	2014
Standard	93009

## Format of the assessment / He Kōrero Whakamārama mō Te Hiranga Te Reo Rangatira

E toru haora te roa o tēnei whakamātautau ā waho, ā, e rua ngā wāhanga e whakamahi ana i ngā pūkenga reo torohū, reo whakaputa o te ākonga.

### Ngā Rauemi

Kotahi noa iho te puka mō tēnei whakamātautau ā-waho. Kei roto hoki i te puka ēnei whakamārama e whai ake ana:

- ngā tohutohu mō ia wāhanga e rua
- ngā mahi mō ia tūmahi
- ngā whārangi wātea mō te tuhinga roa
- he whārangi mahere whakaaro.

## Te Takotoranga

### WĀHANGA 1: PĀNUI – TUHITUHI – 120 miniti

Ka whakaatu te ākonga i tōna tohungatanga ki te whakamahi i ōna pūkenga reo torohū (pānui) i ōna pūkenga reo whakaputa hoki (tuhinga roa) kia āta whakaō i ngā kaupapa huhua.

#### Tūmahi Tuatahi – Pānui aroā

- E rua whārangi te roa o te pānuitanga
- He reo ā iwi te momo, ā, he kaupapa e kōrero ana mō tētahi tikanga, tētahi kaupapa rānei o te ao Māori.

#### Tūmahi Tuarua – Tuhituhi

- E rima rau kupu (neke atu rānei) te roa o te tuhinga, ā, me reo Māori te katoa
- He tuhinga whai take, tautohe, whakapakepake, whakawhere rānei
- Me whakamahi tika i ngā tūāhuatanga o te reo ōkawa, o te reo ōpaki
- Me tika te whakatakoto, ā, me aro ki ngā āhuatanga katoa o te wetewete reo.

## **WĀHANGA TUARUA 2: WHAKARONGO – KŌRERO 60 miniti**

Ka whakaatu anō te ākonga i tōna tohungatanga ki te whakamahi i ōna pūkenga reo torohū (whakarongo) i ōna pūkenga reo whakaputa hoki (kōrero) kia āta whakaō i ngā kaupapa huhua.

### **Tūmahi Tuatoru – Whakarongo (he pāohotanga)**

- Tekau mā rima miniti te roa o te whakapāoho, ā, e toru ngā wā ka rongo ai te ākonga i te pāohotanga
- He kōrero tautohetohe te hanga
- Tekau mā rima miniti anō te roa mō te whakarāpopoto kōrero, ā, me kaha arohaehae, me tīpako hoki i ngā whakatau, i ngā ariā matua o ngā taha e rua
- Ka kohingia e te kaiwhakahaere ngā puka katoa.

### **Tūmahi Tuawhā - Kōrero**

- E rima meneti te roa o te whakaputa kōrero, ā, he kōrero tene te hanga
- Ka haere te ākonga ki ruma kē ki te hopu i tōna reo ki te kōpae, kāore hoki e āhei te hari pepa, te hari rauemi tautoko rānei ki roto i te rūma rā
- Mā te ākonga anō tētahi kaupapa e āta kōrero, e āta kōtuitui i ōna mōhiotanga
- Ka whakamaua tana kōrero tene e te kaiwhakahaere, ā, ka waitohu hoki te ākonga i tana kōpa.